

南巡盛典

河防

卷四十九卷五十

7.8  
1.1.79  
20





南巡盛典卷四十九

南巡盛典卷四十九

河防

兩江總督臣尹繼善江南河道總督臣白鍾

山謹

題為亟請建砌寶應護城磚工以資捍衛事竊

照揚州府屬寶應縣城居運河東岸當淮泗  
下游地勢本屬低窪加以運河北來之水兜  
灣頂冲僅賴一線土堤為之保障每遇汎水  
漲發城社民生實屬危險乾隆二十二年恭



逢我

皇上

聖駕南巡 臣尹繼善面奉

諭旨飭令建砌護城磚工以資捍衛當經欽遵轉

飭確估在案今據江蘇布政使等委員確估

自城北太平菴起至城南宏濟閘止創建磚

工長七百八十六丈連築壩並修補尾土共

需工料土方銀三萬八千二百五兩零造冊

詳請題估等情 臣等復核無異相應會

題乾隆二十四年二月二十五日奉

旨該部議奏欽此

兩江總督臣尹繼善等謹

題為恭謝

天恩事據江蘇布政使司布政使常亮安徽布政使司布政使託庸兩淮鹽運使司鹽運使盧見曾分守常鎮揚通道沈嘉徵分巡淮徐海道何達善淮揚河務道何燭淮徐河務道王鴻勳管理江南河庫道李宏分巡鳳廬道寶善詳據淮安徐州揚州鳳陽潁州海州泗州等府州詳據山陽等州縣詳據紳士耆民阮

南巡盛典 卷四十九  
學浩夏之蓉張錫純劉嘉祥等呈前事呈稱  
乾隆二十二年恭逢

皇上俯念上下兩江災黎

特命興修水利不惜帑金大工告成萬世永賴於  
乾隆二十三年四月報竣在案竊惟慶洽平  
成表中天之盛烈功宣清晏誌前古之隆徽  
未雨綢繆三壤被膏腴之澤濬川保障千秋  
協吐納之宜資宣力於絳節碧幢共謀安阜  
奏成功於青疇綠野預兆盈寧欽惟我

皇上

德被堯封

勲高禹甸

補不足助不給無一夫失所之憂

解民愠阜民財極比戶可封之盛決排疏瀹每

濬畝以距川堤堰溝渠務循源而達委逢

翠華之再幸相度咸周仰

鑾輅之親臨幽微畢照

特頒諭旨定一勞永逸之模遍訪輿情除累歲因

仍之弊發金錢於內帑無煩鋪荷丁男委工  
役於河員不用畚操甲戶或建閘而時啓閉  
迴異曲防或引流以溉堤塍有同甘澤橫塘  
縱浦映春水之桃花遠岸遙村盼秋禾之穗  
實卑濕皆爲樂土賴

聖德以托生成坵圻盡是高原荷

皇仁而登衽席學浩等生長太平之世泳遊熙皞  
之天雖哺赤子者不言慈

聖諭之恩勤備至而報昊天者敢忘德顓愚之孺

慕彌殷所有感激下忱呈請轉詳代

題恭謝

天恩等情到臣據此欽惟我

皇上

德協清寧

功隆位育

勅幾康而無逸時勵宵衣旰食之勤

厘懷保以誠求彌殷暑雨祁寒之念固已六服  
咸登壽域幸化日之舒長羣生共躋春臺慶

太和之翔洽乃

膏澤遍霑於率土痾瘵猶切於

宸衷欣逢

玉輦南臨

恩施疊沛復以河防重大

指示周詳

特命羣臣悉心相度不惜千萬公帑莫茲億兆烝

黎工程之應築應疏既乘時而並舉渠港之

或淤或淺必分導以暢流達幹通支均令滙

歸江海建堤設壩總期保障田廬于是畚鍤

雲興衆庶偕來趨事恰值雨暘時若鉅工依

限告成合兩省沮洳濱水之區皆同沃壤統

千里淮黃交錯之地盡可深耕轉積歉為豐

登奏安瀾而著效茆簷蔀屋快覩盈寧康阜

之風白叟黃童胥蒙

覆幬生成之德臣等身司民牧職任封圻普美利

於無疆悉承

睿訓聽歡聲之載道永感

皇仁雖巷舞衢歌莫能頌揚

高厚而嵩呼華祝實出愛戴悃忱茲據淮揚徐海

鳳潁泗各屬紳士耆民呈請代

題恭謝

天恩由司道會詳前來臣謹會同江南河道總督

臣白鍾山江蘇巡撫臣陳宏謀安徽巡撫臣

高晉兩淮鹽政臣高恒合詞具

題伏乞

皇上睿鑒施行謹具題

聞乾隆二十四年五月十五日奉

旨該部知道欽此



江南河道總督臣白鍾山等謹  
奏爲土堤不足抵禦遵

旨修建磚石工程以資鞏固事竊查洪澤湖上承  
淮河七十二山泉之水全賴堰盱一帶堤工  
保障全淮蓄清敵黃最關緊要自武家墩以  
南至蔣家壩計長百餘里俱係磚石工程其  
武家墩迤北至湖口濟運壩向係土堤每遇  
水大之時搶修柴工塘護乾隆二十二年

聖駕經臨閱視陞任副總河臣嵇璜同臣尹繼善

隨侍之下面奉

聖訓指示應建石工並奉

諭旨將來做工當先儘此石料用現在徐州石土各工併舉俟將來次第辦理欽此仰見我

皇上睿謨廣運洞悉機宜慎帑重工安愈求安之

至意兩年以來徐城兩岸興舉土石工程淮揚徐海各處有急辦續辦水利大工臣等欽

遵

聖諭俟各工告竣於今秋汛工平之後臣白鍾山

親赴該處率同各道等詳加勘閱查武家墩迤北至濟運壩止計堤長一千六丈正當洪湖下游每遇汎水長發風浪撞擊原舊土堤易於汕刷塌卸自不若改建石工以資鞏固庶可一勞永逸惟是工段綿長應需石料繁多入山採取路遠運艱甚費周章而堰盱各工所存乾隆十九年分大修石工案內餘剩石料除陸續撥用並於二十二年秋間堰盱風暴案內補修石工儘數選用無存茲復於

沿湖一帶逐細搜尋弔撈計得面裡石塊四千餘丈<sub>臣</sub>等與各道細加商酌如普例建石實不敷濟用再四審度武家墩南首原係磚工擬請於該處一律建做磚工其面底蓋鋪石塊並將搜尋之石儘數估砌少辦河磚通共估需銀五萬八千餘兩既可經久抵禦且與南首磚工接連一律更得節省錢糧從此洪澤全湖大堤俾得一律鞏固永資保障實於河防大有裨益如蒙

聖恩鑒允

<sub>臣</sub>

等卽飭該管道廳逐細確估遴委幹

員分段承修

<sub>臣</sub>

白鍾山就近率同淮揚道等

不時往來實力稽查勒限照估儉辦除俟工

竣核實具

題造冊送部查核外謹恭摺會

奏伏乞

皇上聖鑒訓示遵行謹

奏乾隆二十四年十月二十六日奉

硃批好如所議行欽此

工部為土堤不足抵禦遵

旨修建磚石工程以資鞏固事都水清吏司案呈

會工科抄出江南河道總督白鍾山等題前事

等因乾隆二十四年十二月二十二日題二

十五年二月十七日奉

旨該部議奏欽此欽遵於本日抄出到部該<sub>臣</sub>等

議得江南河道總督白鍾山等疏稱裡河高

堰二廳所屬山清交界一帶土堤自武家墩

迤北起至濟運堤止計長一千零六丈坐當

洪澤下游每遇汎長風浪撞擊危險堪虞乾隆二十二年春恭逢

聖駕南巡親臨指示諭建石工以資捍禦復經臣查勘奏明照武家墩南首一律建做磚工底面鋪蓋石塊搜尋舊石儘數估砌既可經久抵禦更得節省錢糧等因欽奉

俞允當經轉飭遵照確估去後今據淮揚河務道何焯將裡河高堰二廳應建磚石工程除運用沿湖一帶石塊并舊河磚不請錢糧外共

估需物料夫工運脚銀五萬八千八百七十四兩四錢五分五釐一毫零造冊詳請題估等情臣復核無異除冊結送部查核外相應會題等因前來查先據該督白鍾山等奏稱裡河高堰二廳屬武家墩迤北濟運壩止正當洪澤下游每遇汎水長發原舊土堤易於汕刷欽遵

皇上指示不若改建石工以資鞏固但工段綿長採石艱難卽於沿湖搜尋吊撈餘石如普例

建石實不敷用於武家墩一帶建做磚工面  
底蓋鋪石塊並將搜尋之石儘數估砌少辦  
河磚既可經久且與南首磚工接連一律更  
得節省錢糧等因奏准咨部經臣部行令作  
速確估造冊具題查核在案今據該督將前  
項建做磚石工程除運用沿湖一帶石塊并  
舊河磚不請錢糧外共估需料物夫工運腳  
銀五萬八千八百七十四兩四錢五分五釐  
一毫零造冊具題應如所題辦理以資捍禦  
仍令該督俟工完之日將做過工段用過銀  
兩照例核實造具清冊題銷可也乾隆二十  
五年三月二十六日題本月二十八日奉  
旨依議欽此

禮部尚書臣 嵇璜謹

奏竊臣於九月十三日至清江浦見河臣白鍾

山得知督臣尹繼善等因下河時屢

宸衷悉心籌畫議得運河東西二堤勘修堅固以

資捍衛挑濬淮揚運河酌辦西堤港口疏通

諸湖引河俾湖水暢達歸江以為保護下河

之計督臣現在會摺具

奏恭請

聖訓遵循辦理惟歸江之路尚有應行籌辦之處

查運河東堤之金灣滾壩口門寬四十丈而尾間仍歸入六閘河內未能暢注且易淤阻應請於金灣壩下開挑引河一道正對董家溝滾壩並將董家溝淺窄之處量加疏挑以注於江則尾間更爲寬暢又查廖家溝石羊溝董家溝三壩壩面尚高應請改低三尺以芒稻西閘爲準使就下之水益加暢利歸江去路旣多則歸下河之水自少矣

臣謹繪圖

貼說恭呈

御覽伏乞

聖明訓示

勅下督河撫諸臣一併勘議辦理謹

奏乾隆二十五年十月初八日奉

硃批此係卿在京會奏之事原以待明年南巡舉行今旣改期且督河諸臣已有挑濬之舉則及時此奏實爲允當有旨交尹繼善等勘議欽此





西審案河臣白鍾山患病尚未會勘今臣高

晉自京回南臣陳宏謀正在淮徐接准督臣

尹繼善來札以江西甫回又現在奉

旨進京不及會勘查時屆仲春汎水將至不宜再

遲臣高晉與臣陳宏謀隨卽會同親往查勘

金灣壩上承諸湖之水爲歸江要道緣壩下

引河仍滙入金灣六閘河內宣洩不暢且易

淤阻臣等細按地勢情形應如該尚書所奏

於金灣壩下另開新河一道俾減下之水由

董家溝直捷注江又董家溝石羊溝廖家溝

等三壩均屬歸江尾閘現在壩底尚高亦應

如所奏將壩底各改低三尺與芒稻西閘之

底相平則尾閘更爲通暢臣等復上下相度

悉心籌議南關等壩現議封土三尺將運河

東西兩隄量爲修補以資防護則是高郵等

湖水歸海之路旣已節減必應將歸江尾閘

多方開展以達其暢流之勢今金灣壩以下

旣已另開新河其原設之舊壩僅止四十丈

不獨壩面覺小且形勢亦覺背流并請於壩北展寬十丈連舊壩面共寬五十丈以順其吸川建甌之勢則洩水更多又迤下東灣西灣地方舊設有滾壩兩座減洩湖河之水直注石羊溝歸江緣西灣壩下引河短促僅長二百二十餘丈卽與東灣河相合非特水噎不流亦且阻遏東灣之水倒漾出運今應將西灣壩下引河取直加挑三百二十丈至太平橋始與東灣之水合流則流長而勢順庶西灣滾壩方爲有益再迤下鳳凰橋引河洩水係由廖家溝歸江因年久未修河內間有淤灘水勢不能通暢亦應挑濬寬濶以資宣洩至金灣壩下旣開新河壩面又擬展寬則就下之董家溝壩面并應展寬十二丈連舊壩共寬三十丈石羊溝壩舊有耳閘兩孔實屬無用今應將磯心折去卽以閘牆爲滾壩裏頭計展寬五丈四尺連舊壩共寬三十七丈四尺廖家溝壩面原寬十六丈連年刷寬

三十八丈應就現寬丈尺於東墻修建裏頭  
共寬四十四丈各壩俱經改低又復展寬其  
壩下引河凡有高仰淤灘積土酌量水平挑  
切寬深如此一律辦理庶幾歸江之路暢而  
南關車羅東注之水自少矣以上各工約需  
銀一十四萬兩因係急辦之工臣等一面咨  
會鹽政高恒在於運庫銀內如數解交河庫  
道應用一面分定段落派委附近之同知通  
判州縣并河員中幹練工程之員按段承修  
尅期興工并委揚州知府孔傳炯原任蘇州  
府姜順蛟往來監工責成淮揚道何焯常鎮  
道錢琦上下稽查定限汛前完工臣等仍隨  
時留心督催務期工歸實濟不容草率浮冒  
以副

皇上垂念湖河保護民生至意除飭司道造具估  
冊確核會

題外所有臣等勘議飭辦并請動運庫銀兩緣  
由理合繪圖貼說會同兩江總督臣尹繼善

江南河道總督

臣

白鍾山恭摺具

奏伏乞

皇上睿鑒訓示謹

奏乾隆二十六年三月初十日奉

硃批諸凡皆妥如所議行欽此

臣高晉 臣陳宏謀謹

奏爲籌辦下河水利仰祈

聖訓事竊照揚州府屬之高寶興泰等下河地方

積年被滄荷蒙

皇恩准將高郵之南關車邏等壩封土三尺於金灣壩下加挑新河分流暢洩俾水歸江現在俱已完工另摺奏

聞自此洪湖運河之水不致漫過三壩而東注則高寶興泰等處可免西來之水患矣惟是下

河各州縣境內支河汊港及田間積水向來俱滙入串場河北流二百餘里於鹽城境內之石碓天妃等閘始行歸海道遠紆迴驟難消涸民間雖挑溝築圩不足以資捍衛歷來每有西水不至而雨多水積亦足爲患者是下游被滄之故固應杜其來源而本地積澇之區亦當籌其去路此閘下舊有歸海之引河不可不加疏治也而議者有謂海潮勢大近海挑濬恐內水未出外水先進者又或謂雨多水漲各處滙集卽分疏引河不能洩水歸海者臣等伏查范公堤綿亘六百餘里串場河自南而北向建石閘十八座每閘俱有引河專爲洩水歸海之計嗣因洪湖之水由高郵各壩東注下河形如釜底水未到閘地已被滄是以不暇計及閘下之引河今南關等壩旣已封土金灣復又開河經始旣有成模則善後必規全局查現在鹽城境內石碓天妃閘引河寬深由新洋港歸海洩水甚暢

又興化境內之白駒青龍八竈大團等閘引河於乾隆二十二年經前副總河臣嵇璜

奏准挑濬由鬪龍港歸海雖不能如石礎等閘

之通暢而閘水現由外趨頗資宣洩其餘迤

南之丁溪小海迤北之上岡北草堰陳家冲

等五閘緣彼時尚可通流列入緩工未及挑

濬年來水滄沙停有竟成平陸者各閘亦常

閉而不用臣等先後親往各該處上下查勘

現有王家港水深八九尺至一丈二三尺寬

十四五丈又有射陽湖寬深更甚臣等凜遵

籌辦下河諸務之

聖訓悉心討論並與常鎮道錢琦河庫道李宏淮

揚河務道吳嗣爵等再四講求若將丁溪小

海二閘引河疏濬深通順勢再開一引河滙

入王家港歸海又將上岡草堰陳家冲三閘

各引河疏濬深通順勢亦開一引河滙入射

陽湖歸海就其阻塞之途因勢利導俾散漫

之水裁灣取直順軌安流滙歸深通之海口

庶更併力趨海總以海爲歸宿並非另疏海口當不致有倒灌之慮至謂引河不能洩水歸海則從前所開之白駒等閘引河現在洩水歸海已得濟用歷有明徵蓋積水之區若得多一尺去路即可早消一尺積瀦並可早涸一尺田地數州縣之積水增此五閘之引河節節疏通源源宣洩小民見水易消涸自必齊心合力各挑河溝加築圩圍蓄洩兼資旱澇有備將見沮如漸成沃壤仰沐

皇恩永資樂利

臣

等爲下河通籌全局起見用是

合詞備陳恭請

聖訓倘蒙

俞允容

臣

等於本年封土以後夏秋之間再看下

河各州縣水勢情形詳籌審度將應需銀兩  
樽節估計另行妥議請

旨遵行理合先行繪圖貼說恭呈

御覽伏乞

皇上聖鑒謹



奏乾隆二十六年六月初三日奉  
硃批甚應行之事妥協辦理可也欽此

臣 劉統勳 臣 兆惠 臣 高晉 臣 陳宏謀 謹

奏為遵

旨會勘事 臣 等仰蒙

皇上訓示前往高寶甘泉運河相度疏洩機宜沿途查勘測探運河水勢現在深通至湖河之水以五壩為來源以江海為去路而歸江多一分之水即下河受一分之利 臣 等遵

旨查勘運河歸江之路自邵伯以下向設有灣頭閘壁虎橋鳳凰橋西灣壩東灣壩金灣滾壩

金灣六閘共七處俱係宣洩湖水由鹽河歸  
廖家溝石羊溝董家溝芒稻閘等四河分流  
下注茲細加查勘內如灣頭閘洩水最暢壁  
虎橋河僅長一百餘丈卽與灣頭閘河相連  
鳳凰橋河兩岸陡崖歷來積土甚高難以展  
寬且該處磚木橋三道河面已寬十餘丈足  
敷分洩均不必另行辦理外查金灣壩引河  
係上年新挑該處緊接六閘地居上游由董  
家溝下注宣洩湖河最爲便捷惟是滾壩寬  
五十丈測量河身寬十五丈河底寬八丈尚  
覺未能暢達又金灣六閘舊有鹽河由芒稻  
閘歸江最爲寬深從前原係與金灣壩之水  
滙歸入江去路甚暢今金灣滾壩旣另挑新  
河該處六閘金門尚存其舊僅寬十丈八尺  
未免來源過窄又東灣滾壩先於乾隆二十  
二年落低三尺西灣壩未經並落宣洩不暢  
以上三處臣等公同商度酌議將金灣壩新  
挑引河再行量爲展寬以河底十丈爲率河

身下游地勢稍仰亦應一律再加挑濬深通使有建瓴之勢六閘鹽河舊爲歸江水道向設南中北各二閘河頭築堤分爲三路滙歸一處其北閘二門爲運鹽要津南中二閘閘底較高原係相機蓄洩較之滾壩過水尚覺遲滯應將北二閘仍留以濟鹽運自中閘迤南添建石壩三十丈并將中閘照舊存留與北閘相隔二十四丈閘下土堤再行量爲接築加長并酌挑引渠以順水勢其下注之水

旣與鹽運並無妨礙而盛漲之時湖水得以暢達西灣滾壩照東灣一體落低三尺并於西灣河頭酌挑寬深以導引水勢如此則高寶諸湖歸江之路益增宣洩之形益暢實於下河民田廬舍大有裨益臣等於查勘後卽星往六塘河等處查勘宿遷等州縣河道情形將現議建壩挑河處所交淮揚道吳嗣爵揚州府知府楊重英將工段界址插標立誌恭候

聖駕順道閱視如蒙

允准所有應辦工程督撫河臣詳細確估奏

聞請

旨俟秋汎水落卽遴委妥員分頭僱辦臣等謹繪

圖貼說恭呈

御覽伏乞

皇上訓示謹

奏乾隆二十七年三月二十六日奉

硃批所議甚合朕意應如是者圖留覽欽此

河道總督臣張師載山東巡撫臣阿爾泰謹

奏爲奏

聞事竊照東省運河荷蒙

皇上睿謨廣運閘壩堤堰次第興修節宣有制年

來濟運行之已有成效但逢上年汎水異漲

臣等細察情形尚有應行籌辦者如下河廳

屬之德州有哨馬營滾壩一座恩縣有四女

寺滾壩一座壩下各有支河一道均係減洩

漳衛汶異漲之水由老黃河入海漳水渾濁

挾帶泥沙每遇伏秋易致淤墊乾隆二年曾經題定歲修年年疏濬動用德州河灘地租銀兩如有不敷於司庫存公項下動撥募夫辦理自乾隆二十三年大工挑濬之後每年留淤無多勸諭民力疏濬迨至上年伏秋水漲倍於往年臣等細勘情形現在哨馬營壩門寬三十丈足資宣洩惟四女寺壩門僅寬七丈宣洩不暢應將壩門展寬三丈以資吞納其壩下支河亦應一例展寬至哨馬營支

河河身既寬爲渾水經過停沙較厚處處淤墊祇須募夫挑濬應與四女寺滾壩展寬工程俱請仍照舊例動用灘租及司庫存公銀兩辦理庶壩門展寬而河身又足容納卽遇盛漲宣洩更屬有益又如捕河廳屬有五空橋一座係洩沙趙二河之水由大清河入海橋面寬十一丈五尺底高運河一丈二尺乾隆二十三年添建八里廟滾壩之時欽奉諭旨均令高運河底七尺嗣將各壩落低水勢平

穩曾經奏明暫請停緩俟酌看來歲水勢情形請

旨辦理連年以來河水俱平無庸興辦上年水勢既大仍應照舊落低七尺爲度庶沙趙二河易於減洩而東阿壽張東平一帶民田亦深有裨益又如運河廳屬魚臺縣西堤辛莊橋北舊有洩水口二處每年秋水盛漲由此分洩入昭陽湖遞入微山湖迨至春間必須堵閉蓄水以濟漕運不特歷年需費而口門過

水日漸刷深有二丈在運河旣難以節制而兩湖受水過大亦非長策臣等公同詳勘兩水口各寬十數丈應照兩頭碎石堤工之法填築堅實另擇就近堅硬處所修建滾水壩一道寬二十丈壩脊全高運河底六尺爲度如遇汎水浩大至六尺以外可以滾洩入湖六尺以內留爲濟運即使春夏水小亦無旁淺之虞較之每年築壩拆壩實爲一勞永逸且入湖之水有此節制亦不致有過大之患

矣以上哨馬營四女寺展寬疏濬工程所需錢糧仍歸歲修辦理其五空橋落低並辛莊橋建壩工程所需錢糧應請在於運河道庫酌撥節省項下銀兩咨部動用毋庸請動司庫地丁錢糧臣等現飭該司道督同廳汛等官確估速辦外所有酌籌情形謹恭摺奏

聞伏祈

皇上睿鑒訓示謹

奏乾隆二十七年四月初九日奉

硃批如所議行欽此

大學士

臣

劉統勳直隸總督

臣

方觀承山東

巡撫

臣

阿爾泰謹

奏為遵

旨查勘會摺覆奏事竊

臣

等面奉

諭旨直隸景州地方連年被水本處溝渠河道無

可疏消上游德州運河每遇伏秋大汛一有

泛漲卽波及景州田畝運河東岸之四女寺

哨馬營原有減水壩座

命

臣

等前往查勘如有應行修濬之處詳查確議



請

旨遵行

臣

等前往恩縣四女寺地方驗看現有壩

座其金門寬八丈中間磯心二座高一丈四尺四寸龍脊高河底一丈一尺現在壩下運河水深七尺五寸其壩下口門間段停淤減水河亦爲地形所束運河須水長至三尺五寸以上始行過水

臣

等查此壩座落形勢分水減溜最爲得力而壩門窄狹壩底較高壩下減河亦未通暢

臣

阿爾泰於本年四月內

會同河臣請展寬三丈已蒙

諭允尚未興工

臣

等酌請於原奏之外再行展寬

一丈合之原有尺寸共寬一十二丈此處壩底較下游哨馬營壩面高一尺六寸請將此高出尺寸一律落低多有減洩至哨馬營壩座金門寬三十丈建築之時龍脊高出河底一丈五尺後於乾隆十三年落低二尺其高寬丈尺與過水情形甚爲得力但使引河通順此壩卽爲減水關鍵不須更議修改

臣等

復查四女寺哨馬營兩處壩座俱藉壩下支河減水必須一律深通下游始無阻礙臣等按行支河兩岸積土甚高係民間歲修未克挖土遠送是以日積日高易於流墊河內下游漸次寬深總滙於玉泉莊地方由老黃河至海豐之大沽河口入海亦係民間歲修工程惟此壩下支河一段臣阿爾泰擬於回途會同河臣再行相度遴委妥員詳加勘估奏請挑濬俾得水無阻礙以收宣洩之益臣等

更有請者山東運河自臨清以上疏洩開壩共計八處而臨清迤北惟藉四女寺哨馬營兩處宣消此兩壩必宜疏通以防盛漲漫漫波及下游誠如

聖明洞鑒但宣洩機宜向無專員管理臣方觀承臣阿爾泰因德州衛守備不足以任修防曾經

奏請將兩岸堤工分屬德州恩縣地方官承辦今已有章程至此兩壩支河均會老黃河入

海綿長三百餘里經由山東直隸十數州縣並無廳汛河員管轄愚民各顧其私遇有淤灘地段卽希種植獲利河身易致淤塞一處阻礙不通兩岸卽致漫溢所關誠爲緊要查有兩支河交匯之德州邊臨鎮應請將德州州判移駐於此該員在德州並無專管而邊臨鎮附近德平商河民情刁健向議設員彈壓請卽將此州判專司河捕俾不時兩岸巡查遇有應行修治之處卽移會河道坐落之

州縣公同辦理但州判官職微小河道關係兩省恐致呼應不靈查山東糧道駐劄德州哨馬營四女寺近在德州數十里之內管理甚易該道押運赴通經由道路皆係運河稽查亦便請將一切疏築事宜責成該道管理在直隸原係天津道管轄地方遇有關會事件卽令兩道移文商辦免致隔省膜視董率旣係大員汛官復有<sup>端</sup>責庶壩座河道辦定之後歲歲增修永無頽廢德州上游河勢平

緩下游景州免受漫溢之患臣等公同查勘  
謹將原圖貼說恭呈

御覽伏乞

聖鑒訓示遵行謹

奏乾隆二十七年五月初一日奉

旨依議欽此

臣尹繼善 臣高晉 臣陳宏謀 臣高恒謹  
奏為欽奉

上諭事乾隆二十七年四月初六日欽奉

上諭駱馬湖水由永濟橋東注為六塘河源流既  
遠所受支河甚多河中淤埂阻滯溜勢一遇暴  
漲猝難容洩田廬易致漫淹應視兩岸中間窄  
狹者再加寬展切去河中淤埂俾游波寬緩不  
致出槽堤身殘缺卑薄者量為修補以資捍禦  
其六塘河尾間橫經鹽河由東岸武障等河下

洩入海原設條石滾壩爲過水之準其旁並設草壩水小則蓄水運鹽水漲則拆壩消水商利蓄而民利消彼此各爭其便當每年權其緩急利害立定期限以時啓閉庶於渠政有裨其草壩以下各有引河及六塘河北岸之丁家溝南岸之馬家河鮑營河形勢紆曲阻塞者均如諸臣所勘估挑辦理務使通流以達於海第六塘河修防事宜向無專設之員卽鹽河各壩亦非鹽務微員所能相機經理該督撫於通省事簡同知通判缺內議移一員駐高家溝適中地方仍應檢選能勝此任者奏聞補授俾司水利及修防啓閉之事地方水利各員聽其調遣仍歸淮徐海道總轄亦聽總河節制務令宣防無悞而蓄洩合宜此皆朕目擊深維集衆議而取裁定制如此地方大吏其善體朕意實力奉行所有應添石壩土堤及一切挑挖疏濬各工該督撫河臣會同鹽政悉心確估核議以聞欽此

欽遵仰見我

皇上軫念民生永弭水患之至意臣陳宏謀於送駕之後卽親赴六塘河將勘定應修之工逐一丈

量明白豎立封堆簽釘誌樁會委淮揚河道吳嗣爵准徐海道瑯琦督同工員逐段確估

並將六塘河尾間各河應行挑濬之處一併

勘明估計據該道等會稟前來臣尹繼善正

在蘇州秋審面同臣陳宏謀覆加確核除鹽

河內啓閉草壩例應商辦者仍歸商辦外通共估需銀十八萬九千餘兩現在另造細冊

會疏

題報惟是目下已屆伏汛水勢漸長挑河切灘難以施工須俟秋後興舉至六塘河展寬堤岸培修堤工乘此上游水未漲發之時卽應上緊僱辦臣等遴委明白工程之管工河廳及沿河附近各州縣分段承修專委吳嗣爵瑯琦爲總理大員又委准徐兩知府協同兩道查催稽察如承修人員不照估妥辦侵冒錢糧及怠玩遲悞者卽揭報嚴叅臣等輪

南巡盛典 卷四十九  
三  
流前赴該工督辦工完逐細驗收倘有偷減  
草率者卽將該管道府及承修人員一併嚴  
叅重處但前項應辦急工亟須發帑應用若  
俟

題准動給未免濡遲臣等查蘇松糧道庫內現  
貯漕項銀二十四萬兩尚未解部仰懇

聖恩卽於此項內就近酌撥銀十九萬兩解交河  
庫存貯給發濟用因目下已經動工刻難緩  
待一面恭摺

奏明一面先酌撥銀十萬兩以便趕辦其餘銀  
兩俟奉

旨允准之日再行照數撥足其六塘河移駐經管  
人員臣等現在揀選另疏具

題謹合詞會摺恭

奏伏乞

皇上睿鑒訓示謹

奏乾隆二十七年六月初七日奉

硃批該部速議具奏欽此

山東巡撫臣阿爾泰謹

奏為奏

聞事竊臣赴武定濟南東昌等處查勘一切所有

沿途辦理情形業經奏蒙

聖鑒臣於十一月初五日由東昌赴兗州所屬之

壽張縣地方查該縣境內有沙趙二河上承

荷澤濮范之水南由趙王河積水閘歸運北

由沙河道人橋歸運伏秋坡水匯流沙河出

水勢當頂冲雍正四年於沙河會流之處修



建大壩以禦其勢此沙河大壩之所由來也

臣查今昔情形不同沙河出水之處已於乾

隆二十二年八里廟既建有滾壩積水閘以  
北道人橋以南又挑引河一道俾之分洩而  
五空橋又遵

旨落低來源雖廣去路亦多臣察看情形商同河

臣飭令該縣酌將大壩挑開口門使沙趙二  
河之水暢流入運則壽張一帶窪地水患似  
可少減至聊城陽穀東平東阿沿河堤堰伏

秋大雨之後間有單薄殘缺臣先經飭令該

州縣加高培厚現俱一律修整完固而東平  
州尤爲出色又該州地畝低窪之處於乾隆  
二十五六兩年開濬金線等河渠十四道疏  
消坡水匯入大清河歸海年來禾稼豐收皆  
成沃壤農夫咸知水利有裨農田爭相踴躍  
其州北之穀家莊州西之馮家等莊地勢均  
屬低窪今各開渠引水入會全大清等河現  
俱興挑完竣臣逐加查勘頗合機宜於窪地

民田有裨又汶上縣稻屯地方查可開稻田之處該縣董勸鄉民將馮莊等泉疏濬深通現在開漏築塍并覓善種稻田之農夫教以耕耨所需稻種亦俱購辦以備來春借給卽行佈種俟開有成數另行奏報再濟寧州之馬場湖上承寧陽等縣坡水并資蓄以濟運緣湖堤殘缺水難容納前經臣飭令該州加高培築堅固現已完工則蓄水濟運有資而旁溢可免臣至嶧縣之韓莊查滾壩過水仍

二尺九寸與前所查無異至伊家河仰蒙

聖訓河身尚需寬展

臣

親至查勘凡可展寬以及

砂礮石塊較少之處酌量開挑總期河水暢

流俾無淺阻

臣

自兗至沂查嶧縣臺莊至郯

蘭交錯之馬頭地方計程一百二十里不通

車路

臣

相度情形飭令該縣等兩旁開溝取

土疊道並將橋座用石帮寬旣可行車以便

商旅而溝深通廣兼消坡水以利田疇已於

十一月初八日具報完工至蘭郯二縣地勢

低窪自乾隆二十三年以迄於今開挑河渠六十餘處分疏坡水引入沂河以及芙蓉燕子等河年來窪地疊獲豐登地方日有起色

臣復加諄囑諸凡疏築創始幸有成效善後

尤爲喫緊務須歲歲留心妥辦以期永保前

功臣復自沂至泰查各府所屬興修水利地

獲有收固已餽口有賴有因種植梓櫛現據

飼蠶收繭以供紡織復被體有資凡所以爲

斯民計者臣當率屬竭力籌辦以副仰副

聖主懷保斯民之至意臣於二十一日回署所有

沿途查辦緣由理合恭摺奏

聞伏乞

皇上聖鑒謹

奏乾隆二十七年十二月初二日奉

硃批諸凡留心本務實屬可嘉欽此

江南河道總督 臣 高晉謹

奏為恭報清口添建木龍工竣并現在新淤情

形仰祈

聖鑒事竊查清口淮黃交會為河工最要關鍵從

前因黃河北岸陶莊漲出沙灘逼溜南行直

趨清口每致倒灌為患康熙三十八年

聖祖仁皇帝南巡

親臨指授方畧建設

御壩挑溜北趨并於陶莊開挑引河以順水勢誠千

古不易之良模乾隆五年臣叔高斌推廣

聖意奏請

皇上訓示建設木龍自此南岸各壩埽工之外俱長沙灘數十丈至數百丈不等北岸陶莊積土日見刷去已著明效本年春間恭逢

聖駕南巡臨工閱視

指示機宜於現存三架木龍迤下一百二十丈處添建木龍一架挑溜直趨陶莊以期積土盡刷

欽此臣遵卽派委署外河同知克爾圖購辦

木料復委候補通判馮焜驗收齊全秋汛後

臣察看水勢情形督令於九月十一日開工

臣與淮揚河道吳嗣爵仍時常往來稽查

催茲據該員稟報十一月十一日儼辦完竣

臣隨率同道廳前赴該工確勘查該處舊設木龍三架保護淤灘雖甚有益但三架迤下距清口之西壩尚有四百六十餘丈隔陶莊之積土亦有二百九十餘丈未免木龍力弱挑溜不能及遠黃河全勢尚未北趨今新添

木龍計長五十丈寬六丈地勢較前移近一百二十丈陞關挺入河身挑溜正與陶莊積土斜對其積土外灘現已刷去長三十六丈寬一丈至一丈二尺不等木龍之下新生淤灘長九十丈寬二丈至三丈有餘西壩以外亦已新生淤灘十一二丈此時乃水落歸槽之候溜勢平緩其新添木龍已覺得力如此若至明春汛水長發溜勢湍急更必大有成效臣惟當凜遵

聖訓倍加謹守務期陶莊積土漸次刷淨黃河大溜全趨北岸湖水暢出清口並行東注歸海以仰副我

聖主慎重河防永奠民生至意除將辦過工程核實照例

題銷外所有清口添建木龍工竣并新淤情形理合繪圖貼說恭呈

御覽伏乞

皇上睿鑒謹

奏乾隆二十七年十二月十七日奉  
硃批欣慰覽之欽此

聖主神龍... 以時... 聖旨... 欽此

江南河道總督 臣 高晉謹

奏為恭報金灣閘改建石壩并挑河築堤等工

一律告竣仰祈

睿鑒事竊照上年春恭逢

聖駕南巡經臨運河

指授方畧特頒

上諭高寶一帶應宣導歸江者邵伯以下西灣壩  
洩水情形至為便捷將壩底落低四尺河頭亦  
加挑寬深以資利導金灣滾壩新挑引河應再

南巡盛典 卷四十九  
聖訓  
展寬以河底十丈爲率迤下地勢稍仰並一律  
深通俾成建瓴之勢金灣六閘應拆去南二閘  
添建石壩接築土堤并挑引渠以備盛漲湖水  
自無闕壅之患欽此欽遵 臣等敬沐

聖訓將西灣壩落低工程遵

旨於汛前辦竣其金灣河應行展寬挑深并六閘  
改建石壩各工擬俟汛後償辦緣由俱經會

摺奏蒙

聖鑒 臣於秋汛霜降後會同督撫鹽臣將金灣河

等工於附近廳營州縣內遴委署江防同知  
福隆阿等十員分段承修於上年十月初二  
日興工并委淮揚道吳嗣爵常鎮道姚成烈  
揚州府知府楊重英往來工所查催 臣與督  
撫鹽臣隨時督察仰賴

聖主洪福天氣晴和工員人夫咸知踴躍嗣據各  
委員於十二月初一二等日陸續具報依限  
完工 臣隨親往驗收按照原估丈尺段落并  
上下形勢細加確核金灣引河河底俱一律



挑寬十丈而寬自十餘丈至二十餘丈不等  
迤下地勢稍仰之處亦皆挑深自二三尺至  
六七尺連前深一丈餘尺至二丈餘尺不等  
形如建甌將來水由董家溝歸江可期暢達  
其金灣南二閘改建石壩寬三十丈其壩脊  
高下卽照西灣滾壩落低四尺之制爲準並  
接築土堤挑濬引渠由芒稻河歸江以上各  
工均屬如式辦理並無草率偷減情弊現將  
用過錢糧再加核實飭道另造細冊詳送分

別會疏

題估題銷

臣

復查芒稻河舊設十閘向例冬春

閉板夏秋酌定水誌啓板續於乾隆二十三  
年經尚書嵇璜

奏明鹽船由舊越河直達金灣北閘將芒稻閘  
常川開放并聲明如遇水小之年再行相機  
辦理數年來每值冬春下游通泰河流淺涸  
卽在芒稻閘迤東築壩蓄水以資農田灌溉  
并通糧運鹽艘直至汎水長發方始開放今

金灣南二閘業經遵

旨改建石滾壩照西灣滾壩一律落低壩下引渠  
又經加挑寬深與從前形勢不同是伏秋大  
汛固已暢洩無阻而冬春水小又應因時制  
宜酌量變通臣再四熟籌冬春之際與其在  
芒稻閘迤東築壩蓄水不獨多費錢糧且啓  
拆之時倘壩底稍有未淨轉於宣洩有礙嗣  
後應將芒稻閘每年冬春水小時酌量下板  
數塊於灌溉農田糧鹽運行既可兩有裨益  
一交夏令汛水將發卽全行開放於減洩盛  
漲仍可不致阻礙從此操縱由人相機啓閉  
則水小水大均資利賴矣合併陳明謹會同  
督臣尹繼善撫臣莊有恭鹽政臣高恒恭摺  
會

奏伏乞

皇上聖鑒謹

奏乾隆二十八年正月二十九日奉  
硃批覽奏俱悉欽此

江蘇巡撫臣莊有恭謹

奏為請及時動帑辦理下河水利仰祈

聖訓事竊照揚州府屬之高寶興泰等州縣下河

地方節年被滄仰荷

皇恩准將高郵南關車邏等壩封土三尺又於金

灣壩下加挑新河分流通洩下游州縣俾免

西來水患惟是來源既杜而本地積潦之區

亦當籌其去路乾隆二十六年五月內經前

署督臣高晉調任撫臣陳宏謀凜遵籌辦下

河之

聖訓與司道等審度形勢悉心討論請將泰州之  
丁溪小海二閘引河疏濬深通順勢再開一  
引河匯入王家港歸海又將鹽城阜寧二縣  
境內之上岡草堰陳家冲三閘各引河疏濬  
深通順勢亦開一引河匯入射陽湖歸海俾  
積水可以早消等因會摺具

奏欽奉

硃批甚應行之事妥協辦理可也欽此欽遵隨經

高晉陳宏謀轉飭淮揚河道等督同淮揚二  
府并分委佐雜各員勘估議詳去後因查造  
估冊內有未協尚未辦理臣抵任後復查案  
行催茲據淮揚河道吳嗣爵等會同各司道  
等詳稱覆查此案工程專爲開通閘下引河  
歸海起見自應先將閘下引河挑濬深通再  
爲閘上引河之計現據覆估鹽城阜寧泰州  
三州縣境內通共估需銀八萬九千四百二  
十七兩七錢七分零其間工程多係裁灣取

直順流歸海之道按照估冊確核無浮酌擬  
委派工員另詳飭辦所需前項銀兩應請於  
運庫正款銀內動支給發并聲明上岡草堰  
二閘金門雁翅及兩牆石塊脫落之處俟挑  
河築壩時確估另詳造具估冊會詳請

題到

臣

伏查丁溪小海上岡草堰陳家冲等五

閘引河自乾隆二十二年挑濬白駒青龍等  
閘引河時前項河道尚可通流是以列入緩  
工未及挑濬年來水慢沙停竟成平陸一經  
漲潦四面漫溢自應恪遵

硃批諭旨妥協辦理早為挑濬以仰副

聖主惠愛瀕海蒼黎之德意除已照例會同督臣  
尹繼善河臣高晉恭疏具

題估冊送部查核外惟查江南地方每屆春深  
卽多雨水如俟部覆到日再行興工誠恐有  
稽時日應請酌動五分銀兩容臣與督河二  
臣遴委委員分定段落檄令領銀償辦餘俟  
部覆到日再行給發臣於明年正月上旬自

浙江查勘海塘回江卽前赴淮揚二府工所  
督率指示以速要工理合繕摺具

奏伏乞

皇上睿鑒訓示 臣謹

奏乾隆二十八年二月初一日奉

硃批知道了欽此

工部謹

題為欽奉

上諭事工科抄出兩江總督尹繼善等奏六塘河  
一切挑濬建築等工通共估需銀十八萬七  
千六百八十九兩零先後撥蘇松糧道庫貯  
漕項銀十九萬兩照估動用餘銀卽留河庫  
等因乾隆二十八年二月十七日奉  
旨該部議奏欽此欽遵該 臣等覆查修築六塘河  
及挑濬尾閘各河一切建橋築壩等工先據

該督等遵

旨勘議興修奏請酌撥蘇松糧道庫項銀兩解交河庫動給辦理經戶部覆准知照臣部在案今據該督將前項工程通共估需工料土方銀一十八萬七千六百八十九兩零造冊具題應如所題辦理仍行該督俟工完之日將做過工段用過銀兩照例核實造具清冊題銷至酌撥蘇松糧道庫銀十九萬兩先據該督等奏請酌撥經戶部議覆應於漕項銀內

先撥銀十萬兩解交河庫備用其餘銀兩俟工部核准後再於漕項內照數就近撥給在案今既據將工料估報工部核准應准其於蘇松糧道庫內再撥銀九萬兩解交河庫除給發前項工料外其餘剩銀二千三百十兩九錢零應令江南總河照數貯庫留爲別項工程之用仍造入歲報庫貯冊內報部查核可也乾隆二十八年四月十七日奉

旨依議欽此

河道總督

臣

李宏山東巡撫

臣

崔應階謹

奏爲衛河來源過盛請展寬四女寺支河以防  
直東盛漲事竊臣等接准工部尚書阿爾泰  
吏部侍郎裘曰修咨開東省四女寺減河形  
勢最爲得地而下游老黃河寬暢足資容納  
若將四女寺壩門大加展寬則東省多減一  
分直省便少受一分已於  
行在

召見時口奏現在亟須辦理計須再加寬二十丈



或十五丈以外其口門以下亦須一律展寬  
接到老黃河爲度等因<sub>臣</sub>等親赴恩縣四女  
寺地方會同查勘由壩口勘至歸入老黃河  
之處計長十四里壩口及壩下支河俱寬十  
二丈自上年奏明挑濬後現今一律深通<sub>臣</sub>  
等察看形勢查溯來源若將此處壩口及支  
河再爲展寬實與直東兩省有益緣衛河發  
源於河南蘇門山之百門泉會合大丹小丹  
淇湯洹等水至東省之南館陶復有豫省清

濁二漳全流注入東北達於臨清歷程九百  
四十里沿途並無支河旁洩至臨清板閘又  
與汶水會合北流計二百四十里至恩縣之  
四女寺始有此減水壩洩水由支河入老黃  
河歸海<sub>臣</sub>等查昔年清濁二漳在直隸境內  
原有支河分洩由威縣寧津達天津入海並  
非全漳歸衛近年直隸沙莊地方挑築土壩  
攔截漳水分流之路是以全漳歸衛查衛河  
以二十餘丈之河身受直隸東三省之水而

河流又復紆迴曲折易漲難消遇伏秋雨水盛行各河會注衛河常至陡長丈餘盈堤拍岸東省州縣固有冲溢之虞直隸下游更有漲漫之患誠如部臣阿爾泰等所見東省多減一分直隸便少受一分也臣等詳加斟酌衛河正流面寬二十六丈今四女寺壩門及支河現寬十二丈若再展寬二十丈未免支河寬於正河恐致奪溜掛淤於漕渠有碍雖德州之哨馬營支河現寬三十丈但查哨馬奏乾隆二十八年十月初七日奉

硃批如所議行欽此

南巡盛典卷五十

河防

江南河道總督 臣 高晉謹

奏為籌辦黃河雲梯關外下游情形仰請

聖訓事竊 臣 由徐州至清口查勘黃河各廳工程

料物前經恭摺奏

聞伏查清口為淮黃交匯之區清口以上宿桃等

廳專受黃水自清口東壩以下則淮黃合流

計程二百餘里至雲梯關迤東歸海比年來

臣仰遵

皇上聖訓將清口東西壩預爲啟拆大加展寬俾湖水暢流東注不致由五壩旁洩業已著有成效惟下游山海二廳以二瀆之水合爲一河兼以伏秋盛漲或遇海潮相抵每致水勢平堤拍岸工程險要臣前於荆山橋工次據山安海防廳營稟北岸之五套南岸之陳家浦近日溜勢趨逼漸次坐灣將成頂冲入袖之勢舊有土堤卑矮單薄請估帮高厚添築

魚鱗越堤方能抵禦估需工料銀二萬餘兩

臣隨於查工時親赴各該處往來周歷細加

察勘如雲梯關之內南岸阜寧縣馬起營等工北岸安東縣佃湖等工均屬逼近城垣更多民舍村莊凡迎溜頂冲之處所謂尺地必爭自應將現有埽壩工程加謹防護隨時修築堅實以資鞏固至雲梯關以外南岸至灶工尾北岸至六套俱係蘆葦蕩地離海甚近卽間有樵採漁戶散處其間亦遷徙無定是

以舊制本無堤岸因一望平灘水勢易於散漫曾設卑矮土堤約攔水勢與雲梯關內緊要堤工形勢迥別每年汎水長發海潮倒漾出槽漫灘內外皆水無關緊要自不應與水爭地無事生工檢查舊案乾隆十年南岸陳家浦漫溢因海灘土性浮沙椿埽旋築旋塌不能施工直至水落掛淤填土補築其北岸五套於乾隆十八年及二十五年亦經兩次漫灘過水旋即掛淤並無妨礙今若因溜勢坐灣乃復添築越堤勢必又將卑矮土堤加帮高厚修作埽工昔年之陳家浦前車可鑒不特虛糜錢糧而海灘地面埽工難期穩固實屬無益臣與淮揚道吳嗣爵率同各廳營詳加相度再四講求陳家浦五套二處與其築堤束水致生新工不若讓地與水以順其性查現在黃河距堤尚有八九十丈以至一百二十丈不等此時可以緩辦將來伏秋汎內再看刷崖情形如溜勢仍然兜灣向裏則

南巡盛典 卷五十一  
三  
舊有卑薄土堤不必加帮亦不必添築魚鱗  
越堤只須預於舊堤上首另做斜長子堰一  
道俾地勢展寬約攔漫灘之水使之滙歸正  
河暢達入海而所築子堰夫工約估需銀不  
過數千金卽在該二廳歲搶修庫貯內樽節  
辦理毋庸另請錢糧如此則山海二廳雲梯  
關下游既可不致生工而清口東西壩每年  
大加拆展湖水滙黃歸海尾閘寬濶於就下  
之勢益資暢達矣所有臣籌辦黃河雲梯關

外下游陳家浦五套情形謹繪圖貼說恭摺  
具

奏是否有當伏乞

皇上聖鑒訓示謹

奏乾隆二十九年四月十三日奉

硃批覽奏俱悉餘有旨諭欽此

江南河道總督臣高晉謹  
 奏為遵  
 旨覆奏事竊臣接准  
 廷寄欽奉  
 上諭朕前歲南巡在徐州閱視河工見北岸有隄  
 身單薄高晉奏稱應行放淤培護先挑倒勾引  
 河俟應放時放淤等語今閱時已久未見該督  
 摺奏及此其曾否相度籌辦並現在該處情形  
 若何著傳諭高晉可即詳悉具奏欽此遵

奏為遵  
 旨覆奏事竊臣接准  
 廷寄欽奉  
 上諭朕前歲南巡在徐州閱視河工見北岸有隄  
 身單薄高晉奏稱應行放淤培護先挑倒勾引  
 河俟應放時放淤等語今閱時已久未見該督  
 摺奏及此其曾否相度籌辦並現在該處情形  
 若何著傳諭高晉可即詳悉具奏欽此遵

旨寄信前來 臣 跪讀之下仰見我

皇上垂念河防工無鉅細莫不時厯

宸衷 臣 伏查徐屬宿虹廳之黃河北岸夏家馬路

一工係在運河縷隄外正當黃河頂冲築做

壩臺鑲埽保護縷隄與壩臺兩相交峙中隔

二三十丈全是坑窪深塘工程素稱險要 臣

從前協辦河務時曾與前河臣白鍾山以放

淤相商事未果行乾隆二十七年春恭逢

聖駕南巡

親臨閱視該工隄身單薄經 臣 將該處應行放淤

培護先挑倒勾引河俟水長時相機放淤之

處面奏請

訓仰蒙

聖鑒俞允 臣 於跪送

聖駕回鑾後即赴該工相度將工頭工尾應開進

水出水倒勾引河如法辦竣緣放淤必待黃

河水勢盛長開放始克有濟是年伏秋汛內

黃水盛長兩次開放後計澄淤五六尺至八



九尺不等臣於該年奏報查勘徐屬各工情形附摺聲明未經尚摺具

奏上年臣於勘辦春工時復將該處倒勾引河挑挖修整迨伏秋黃水盛長又經疊次開放因工長四百四十餘丈尚未一律淤成本年

臣督辦徐州荆山橋河往返該工查勘數次詳加測探現在上段長一百餘丈下段長九

十餘丈已澄淤八九尺不等通身坑塘亦俱墊平惟中段計長二百丈許止澄淤二三四

尺仍須設法接續辦理未便使其功虧一簣隨與道廳叅遊等再四講求細心籌計查放

淤引河形取倒勾是以進水勢緩工頭則水過淤停工尾則倒漾之水淤亦易積惟中段

所過之水沙停兩頭積淤甚少今應於該工中段磨盤埽迴溜處另挑倒勾引渠一道俾

黃水自中段引入由上下兩頭分流而出則中段進水停淤必多可期與兩頭所澄之淤

一律相平庶隄埽培護堅厚工程得資鞏固

現在督飭廳營照此辦理臣原擬今年夏秋

放淤工竣恭備明春

鑾輅經臨奏請

皇上閱視今奉

諭旨垂詢所有臣歷年相度籌辦並該處現在情

形理合繪圖貼說詳悉具

奏伏乞

皇上睿鑒訓示臣益知有所遵守矣謹

奏乾隆二十九年五月十九日奉

硃批覽奏俱悉欽此

山東巡撫臣崔應階謹

奏為奏明事竊臣因直隸全漳歸衛東省沿河

州縣及直屬下游一帶恐致漫溢已照襲日

修所奏將四女寺壩口支河展寬一十二丈

以資分洩並將沿河兩岸堤堰勸民加高培

厚辦理完竣臣往來查勘如沿河之武城縣

境內地勢最窪運河東岸有沙河一道遇伏

秋雨多臨清夏津等處坡水皆由沙河匯注

武城之牛蹄窩祝官屯一帶為東岸運堤所

隔不得入運常至淹浸民田雖牛蹄窩舊有涵洞因地勢外高內低運河漲發反至倒灌民間每年加築護堤俟秋後運河水消開堤洩水民田方得消涸又武城縣境內運河西岸有蔡河一道西通黃潞河遇伏秋雨多則上游臨清並直隸清河等處坡水俱由黃潞河蔡河匯注武城之馮家灣爲西岸運堤所隔不得入運浸灌民田每年亦俟秋後運河水消開堤洩水臣查武城東西兩岸坡水不能入運民間每年秋後開堤春間堵築出於

萬不得已且時堵時開堤不堅固運道攸關任民開挖恐失緩急機宜况開堤之處水勢旁刷每年以數十方之土冲入運河多費撈濬臣與布政使梁翥鴻運河道李清時濟東道尹嘉銓履勘詳籌擬於東岸之牛蹄窩祝官屯西岸之馮家灣等三處各建石閘一座設板啟閉遇運河水大則下板以防倒灌深秋水落則啟板以消積潦較之開堤顯有節

制內如馮家灣坡水甚盛一閘不足以資宣洩擬將閘門展寬分爲兩空中設磯心開槽下板則水勢得以暢洩以上三處閘座除將牛蹄窩舊有涵洞甲馬營舊有廢閘選舊石可用者湊用外其應添工料飭令據實確估另取估冊咨報於耗羨項下動用似此辦理庶得大消坡水直東民田均免淹浸又免民間每年開堤有悞運道似屬一勞永逸之事

臣謹會同河  
臣葉存仁恭摺

奏明並將該處情形繪圖貼說恭呈

御覽伏乞

皇上睿鑒訓示謹

奏乾隆二十九年五月二十七日奉

硃批如所議行欽此

江南河道總督 臣 高晉謹

奏為奏明秋汛內夏家馬路新淤情形事竊查

宿虹廳屬夏家馬路放淤工程伏汛內新淤

尺寸業經 臣 繕摺奏蒙

聖鑒交秋以來黃河水勢節經加長 臣 又兩次飛

飭該廳營等如法開放旋據廳營稟報該工

中段業已淤平應否接續辦理請示前來茲

臣 前赴上游徐屬查工隨親至該處逐一履

勘查該工計長四百四十餘丈從前自兩頭

南巡盛典 卷三十一  
進水上段一百餘丈下段九十餘丈兩年來  
已澄淤八九尺不等中段之二百餘丈只澄  
淤二三四尺本年伏汛內改由中段進淤雖  
又增淤二三尺然較兩頭所澄之淤尚少一  
二尺今秋汛內又經兩次進淤二三尺已與  
兩頭一律淤平測量現在淤高水面三尺是  
當日埽後深塘已成平地從此頂冲要工得  
有後靠化險爲平臣復再四相度該工淤高  
水面三尺雖已著有成效然而淤益高則工

益固自應接續辦理以期一勞永逸臣隨面  
交該管廳營督率兵夫在新淤中間接挑溝  
槽寬以一丈深以三尺爲率挖起之土分鋪  
淤面並將上中下三道倒勾引渠如式修整  
目下秋汛未過若遇水長仍可進淤卽或水  
不再長亦可爲明歲伏秋放淤之計臣并在  
工上下看定安設馬頭地方明春

翠華南幸屆期敬謹預備恭請

聖駕臨工閱視若得仰蒙

南巡盛典 卷五十一  
指訓臣更知有所遵守矣所有秋汛內夏家馬路  
新淤情形并預備緣由理合恭摺具

奏伏乞

皇上睿鑒謹

奏乾隆二十九年九月十九日奉

硃批好知道了欽此

江南河道總督臣高晉謹

奏本月十二日恭逢

聖駕親臨閱視清口木龍工程荷蒙

聖明指示應於四架木龍迤下與陶莊積土相對

之處再添木龍一架庶挑溜更爲有力大溜

全歸北岸則陶莊積土自可冲刷淨盡以收

清黃並流之效臣遵卽測量地勢蒙

皇上指示之處在四龍迤下相隔一百九十丈正

與北岸陶莊積土緊對應遵



旨卽於該處添建木龍一架擬長五十丈挑溜全  
趨北岸實屬有益除現在委員核實確估辦  
料俟料物到齊僱辦務於伏汛前完竣外理  
合繪圖貼說恭摺

奏明伏乞

皇上聖鑒謹

奏乾隆三十年二月十三日奉

旨是欽此

兩江總督

臣

尹繼善江蘇巡撫

臣

莊有恭謹

奏爲遵

旨議奏事據協辦大學士陳宏謀奏請將常鎮二  
府港汊圩圍責成司道大員前往查勘有阻  
塞破損者疏濬培補其通江尾間如孟河之  
類如有淤塞大加挑挖期於有蓄有洩等因  
奉

旨俟到江南時交該督撫查辦欽此准軍機處移  
交到臣等竊照農功必藉乎水利而水利之

興修全在溝洫流通圩隄堅固方足以資灌  
漑而衛田疇伏查江南一省恭逢我

皇上疊舉時巡盛典

翠華所過指示機宜如徐海淮揚一帶河道溝渠  
俱大發帑金次第疏濬並於工竣之後督率  
民力每年歲修不使稍有淤塞其蘇松太等  
處前歲亦經

奏明將淞江婁江河道一體開濬現在宣洩以  
時旱澇有備豐亨屢慶成效可稽至常鎮二  
府地土寬平河流坦易本不至如淮揚蘇松  
各郡之低窪惟是地近江邊潮汐往來不無  
淤沙停積如鎮江府之城河<sub>臣</sub>等已於上年  
飭令該道府勸諭紳士設法開疏報驗竣工  
又如金壇縣之運河亦據該縣紳士呈議集  
費經<sub>臣</sub>等批准定於今歲農隙築壩大挑原  
俱仰體

聖主重農興利至意量民之力因天之時次第辦  
理今據陳宏謀所奏皆屬應辦之事<sub>臣</sub>等伏

南巡盛典 卷五十一  
查該二府支河汊港圍蕩堤塘所在皆有向  
俱民間自爲經理但恐心力不齊彼此諉卸  
自應官爲督辦至通江尾間如孟河之類淤  
塞年久工煩費重非可苟且圖功且東作將  
興大江以南民勤力作屆期卽刻無寧晷斷  
不能卽時興工臣等擬請先委常鎮道督同  
常鎮二府親往各處逐一查勘分別先後舉  
行如支河汊港圍蕩堤塘坍塌淤滯工費無  
多者卽立督各業佃尅期挑挖培固至通江  
尾間如孟河之類應大加挑濬者先測量高  
下淺深工費需用若干諭令民間公同議辦  
或一時民力難於集費則酌借公帑分年徵  
還俟查明之後再另委大員覆勘分定段落  
預選紳耆多派官員先定規模俟本年農隙  
齊力大舉務期節節疏通農田永賴以仰副  
聖懷所有臣等籌議緣由理合恭摺具  
奏伏乞

皇上睿鑒謹

南巡盛典 卷五十一  
奏乾隆三十年二月十四日奉

旨依議欽此

江南河道總督

臣

高晉謹

奏爲奏明事竊查徐州豐碭廳毛城舖原設碎  
石滾壩爲宣洩黃河盛漲之水啟閉機宜最  
關緊要乾隆二十七年恭逢

聖駕南巡臨徐閱視北門外誌椿水勢仰蒙

睿謨廣運因時制宜欽奉

諭旨毛城舖迤東之唐家灣引河視徐城水誌長  
至一丈一尺五寸以上開放宣洩俟漫灘水落  
卽行堵閉仍令督撫河臣於按誌應放時一面

奏聞一面辦理欽此臣敬謹遵守二十七八兩年伏秋汛內徐城水誌加長逾誌將唐家灣草壩依時啟閉二十九年未經漫灘唐家灣亦未開放俱經臣先後具摺奏

聞在案臣數年以來留心察勘該處從前漫灘係在唐家灣迤下二十七年漫灘正對唐家灣引河二十八年漫灘又在唐家灣迤上察其所以上下無定之故蓋漫灘一次則河唇必高仰數寸以至尺餘不等水性就下乘低而

漫理勢固然惟是唐家灣漫灘形勢既已自下而上河崖袤延二三十里地方廣濶若聽其自然不加修治將來漸徙漸上正與蔣家營傅家窪等處逼近恐過水較多致有掣溜之虞臣查毛城舖下游灘河每年秋汛後如有淤墊俱經勘估挑濬今唐家灣引河外灘既因沙淤高仰自應比較

欽定徐城水誌尺寸將該處河灘新淤浮沙剷去一遇水長逾誌卽開放唐家灣引河以資宣

洩方合機宜

臣

於上年冬間親往查勘督飭

道廳將該處河灘新淤測量剷平地勢高下

悉仍其舊總以徐城水誌為準似於節宣下

游減洩盛漲均有裨益茲恭逢

聖駕臨幸徐州理合將

臣

現在辦理緣由恭摺

奏明是否有當伏乞

皇上睿鑒訓示謹

奏乾隆三十年三月二十八日奉

硃批知道了欽此

河道總督

臣

李清時山東巡撫

臣

崔應階謹

奏為請

旨事竊查德州城外衛河因西方菴形勢偏趨城

垣受險於乾隆二十七年十一月內經前河

臣張師載前撫臣阿爾泰會同

奏明在於對岸魏家莊挑挖引渠長四百九十

五丈分洩溜勢嗣因新挑引渠河身窄狹開

放之後舊河內西方菴險工仍不能盡除又

經前河臣張師載

奏明將舊河口門堵築攔河大壩令全流悉歸  
引渠冀其冲刷寬深各在案<sub>臣</sub>等屢至其地  
逐一勘驗舊河原寬三十五六丈今引渠僅  
口寬十二三丈引渠兩岸全係膠淤兩年以  
來水勢不能衝刷現在口底寬深仍與原挑  
丈尺不相上下伏查衛河之水滙合汶漳每  
至伏秋大汛勢甚浩瀚在河面較寬之處尚  
慮出槽盈岸今以十餘丈之引渠承受全衛  
之水咽喉既束勢必益增其漲上年汛水安  
瀾至此處因引渠窄狹水勢擁高浸及攔河  
壩上竭力搶護始保無虞此其明驗也查舊  
河現寬三十五六丈若將引渠大加展寬與  
上下舊河一律水勢非不可以下達而核計  
土方銀兩需費較多若開壩分水不加約束  
則舊河勢順溜復偏趨險仍未除<sub>臣</sub>等公同  
商酌可否將攔河壩挑開酌留舊河口門二  
十丈聽其分流壩之兩頭用柴草裹護并於  
西方菴頂衝迎溜之處修築挑水草壩以挑

溜勢其舊日埽工酌量應修之處相機辦理  
庶水勢分行俾得有節制舊河內不致盡吸  
全河之水而迎溜之處復有壩工挑護河流  
暢順於河道城垣均屬有益臣等謹繪圖貼  
說恭摺

奏請

皇上聖訓謹

奏乾隆三十年四月十三日奉

硃批知道了欽此

大學士管兩江總督臣尹繼善等謹

奏爲遵

旨查辦具奏事竊照常鎮二府港汊圩圍通江尾  
間前據協辦大學士陳宏謀奏請修培挑挖  
經臣等議奏先委常鎮道府查勘如支河港  
汊圍蕩堤塘坍塌淤滯工費無多者應督業  
佃尅期挑挖培固至通江尾間應大加挑浚  
者諭令民間公同議辦或一時民力難以集  
費酌借公帑分年徵還等因奉



旨依議欽此當卽飭委該道府逐一詳查確勘茲  
據常鎮道陳大化等勘明該二府通江尾間  
支河汊港多屬深通圍埂堤岸亦俱完固其  
武陽宜荆四縣聯界之南運河暨金壇丹陽  
兩邑交界之七里橋河冬令水涸均有淤淺  
現據各該縣士民按田集費自行興挑外惟  
常州府屬武進縣之孟瀆德勝兩河南通運  
道北達大江關係數邑水利蓄洩民田萬頃  
咸資灌溉緣吐納江潮流沙停積河身淤墊  
亟須築壩大加挑濬孟瀆河計長一萬五百  
餘丈約估工價銀三萬一千九十餘兩德勝  
河計長六千六百餘丈約估工價銀二萬二  
千七百五十餘兩其孟瀆河旁舊有小河一  
道分流入江較正河近便直捷潮退盡由小  
河洩瀉正河水緩沙停易致淤墊應於小河  
分流處添建石閘一座責成小河司巡檢同  
孟河舊閘一並管理依時啟閉使潮退全歸  
正河以免停沙壅滯所有建閘工料約估需

南巡盛典 卷五十一  
銀五千六百九十兩零通計孟瀆德勝兩河挑浚建閘共約估工料銀五萬九千五百四十餘兩工費浩繁民力一時難以措辦據武進陽湖兩縣士民呈請借動公項於今冬築壩分段僱辦按兩邑田畝驗派分作四年徵還又鎮江府屬丹陽縣之九曲河亦係通潮濟運灌溉田疇年久淤塞應行挑濬計河長九千五百餘丈內有橋閘坍塌均須修整共約估工料銀一萬三千七百九十餘兩據該

縣士民呈請借項於今冬興挑按照沾用水利田畝驗派分作三年完繳等情詳報前來  
臣等查常鎮二府屬孟瀆德勝九曲三河均係通江尾閘攸關水利農田今既年久淤塞自應一律挑濬深通以資宣洩灌溉現在行司遴委幹員於秋深水涸時再行詳細覆勘核實一面選擇誠實士民分派段落酌定章程於冬間興舉勒限完竣其孟瀆河添建閘座一並選擇紳士購料承修仍遴委諳練河

員分段督催責成道府隨時稽察工竣委員  
驗收務期處處如式工歸實在惟是三河所  
需工料多至七萬數千兩民力不齊仰懇

聖恩俯准於司庫公項銀內借給償辦仍按所借  
銀數丹陽縣分作三年徵還武進陽湖二縣  
分作四年徵還庶民力稍紓大工得以尅期  
告竣數邑水利農田永資利賴億萬民人感

沐

隆恩於靡旣矣臣等謹繕摺恭

奏伏乞

皇上睿鑒謹

奏乾隆三十年九月二十六日奉

硃批如所議行欽此

河道總督臣李宏山東巡撫臣崔應階謹

奏為遵

旨勘議具奏事竊臣等接到大學士傅恒大學士

劉統勳字寄乾隆三十年七月初五日奉

上諭前因微山湖蓄水過多遇夏秋漲溢之時瀕湖窪地每多淹浸經崔應階等奏請宣洩微湖以誌一丈為度於韓莊添建新閘以殺其勢並挑荆山橋以暢其流辦理以來漸著成效今歲南巡回鑾時舟行所經詢悉該處情形知濱湖

窪地近多涸出農田耕作有資但湖水暢消既久瀦蓄未充亦恐艱於濟運事難兩利深厯熟籌今據楊錫綬奏稱湖內之水須存一丈二尺用至五月八閘底水尚可得四尺餘寸足供挽運若止存一丈則五月八閘底水止存二尺六七寸重運難以進行請交山東河撫二臣將現在各處出水口門地勢高下水勢深淺尺寸與湖口滾水壩是否相等及可否量改水誌之處確切定議如水誌難以議改或將湖口以下至

頓莊閘數十里河底一律挑深五尺以爲調劑等語所奏於漕渠轉輸自有裨益但水誌改加二尺於低窪地畝有無妨礙及挑深河底是否可行著崔應階同李宏李清時詳悉確勘定議具奏期於漕運民田均得利賴可將此傳諭知之楊錫綬摺併抄寄閱看欽此遵

旨寄信前來

臣

崔應階於九月十四日自省到濟

會同

臣

李清時馳赴韓莊等處

臣

李宏亦於

十九日到工隨會同悉心相度詳加籌議遵

查濟魚等處向因微湖水大不能消掣致淹  
民地上廛

宸衷屢荷

聖慈欽差大臣會同河撫諸臣勘籌妥辦加意疏  
消近年以來積水暢洩歲獲有秋<sub>臣</sub>等細查  
水誌濟魚濱湖地勢高於滾壩無幾如消水  
至一丈濟魚民地方能播種若將滾壩加高  
二尺則濱湖地畝未免浸淹歷冬及春未能  
速涸越至次年舊水未消新水又至民田消

涸實屬難期惟是漕運民生均關緊要不得  
不反覆熟籌如漕臣所稱八閘水勢至五月  
止存二尺六七寸正值天晴日久上源放水  
過弱之際誠爲不足查現在湖水深九尺九  
寸時屆蓄水入湖湖口雙閘未經啟放而目  
下八閘運河之水現存四尺五寸不等卽最  
淺之處亦有二尺<sub>臣</sub>等探量湖水現高於運  
河水面二尺餘寸來春開放雙閘河淺處可  
有五尺餘寸之水歷查微湖滾壩每月消水

南巡盛典 卷五十一  
六寸重運經行約有三月之久除消水一尺  
八寸迨江廣重運入境尚可存水三尺四五  
寸江廣船身重大三尺餘寸之水實難浮送  
臣等再四圖維將滾壩內磯心每空安砌石  
槽設立板片如今歲水小之年加板攔束多  
收一尺設遇陰雨連綿水勢日增卽將所下  
板片盡行啟除俾得及時暢洩至於八閘河  
底多係砂礪難於開鑿若自湖口以下至頓  
莊五六十里悉行挑深五尺不特工力浩大  
糜費帑金而且韓莊以上運河亦恐抽掣過  
甚反至淺阻惟應將八閘運河確加勘估不  
必拘定五尺之數凡有新經淤墊沙泥盡行  
估挑務至舊時河底而止如此則水小之年  
滾壩之上旣經加水一尺八閘河底又復挑  
深於漕臣增水二尺之數儘可相符而濟魚  
民地亦不致有浸淹之患矣至於各處支河  
出水之口如小梁山內華山蘭家山伊家河  
等處較量河底俱低於滾壩今旣於該壩設

南巡盛典 卷五十一  
板攔水所有各處水口應悉堵閉以俟應行  
宣洩之時立即啟放臣等再查韓莊以下地  
勢西高東窪勢若建瓴所以舊制於數里之  
內建閘至八座之多原欲節節關攔以資瀦  
蓄年來因江南泖口貓兒窩等處間有淺澁  
不得不亮八閘之板以爲接濟之用督臣高  
晉覆奏漕臣條奏案內已將盧口亂石壩拆  
寬五丈沂河之水得以引導入運而江南河  
定河清河成等閘與山東八閘毗連亦可以

下板臣李宏已飭令管閘官員照山東八閘  
之例會牘啟閉其泖口貓兒窩淺澁之處逐  
一測量於冬底疏濬一律深通是運河水勢  
來路增多而山東八閘旣無虞淺阻而江南  
邳州一帶足資浮送有餘矣臣等凜遵

聖訓周詳因時斟酌惟在洩所當洩蓄所當蓄務  
期民田無淹浸之患漕渠無淺澁之虞庶幾  
仰副我

皇上重農利漕至意添設滾壩石槽閘板及疏濬



八閘所需銀兩卽在運河道節省項下通融  
辦理毋庸另請錢糧所有<sub>臣</sub>等遵

旨勘議情形謹恭摺覆

奏是否有當伏乞

皇上聖鑒訓示謹

奏乾隆三十年十月十四日奉

硃批所議甚妥依議行欽此

河道總督<sub>臣</sub>李清時謹

奏爲奏

聞事竊照德州城外西方菴運河逼近州城兜灣  
迎溜年年修做埽工所費不貲乾隆二十七年  
年經原任河臣張師載陞任撫臣阿爾泰來  
往勘籌會同

奏明在於對面魏家莊改挑引河一道以免城  
垣之險復將舊河口堵築令全流悉歸引河  
彼時籌辦之初原寬十二三丈深與舊河一

律足資糧艘冬春運行俟伏秋水盛使兩崖自行刷寬因年來漳衛水勢未經盛漲河底雖較舊河刷深而兩崖俱係膠泥未能大刷嗣經調任河臣李宏以新河窄狹水盛之時恐不能吞納全河於三十年四月內

奏請將所築舊河大壩仍行挑開鑲做挑水壩裏頭復將西方菴埽工附請鑲做各在案

臣

來往勘工見該處自開挑舊壩以來水勢旁分恐冬春水弱運河未免淺澁且舊河既已

開通伏秋水長西方菴等埽工仍須年年修做以衛城垣

臣

查此段運河自西南直射西

方菴折而東北形如灣月該處運堤外臨大溜內跌深潭情形備極緊要當年創挑引河以免城垣受險最爲妥協惟原挑河身未免過於窄狹再三熟籌仍當將舊河大壩照舊堵截其河身窄狹之處再加展寬與上下舊河約畧相等核計土方共需銀三千餘兩細爲核算西方菴及挑水壩兩裏頭歲有搶修

所費亦三千餘金今展挑引河需用之銀不過一年搶修之數一經告成不獨該處堤工可以化險爲平德州城垣可以永資保障西方菴等各埽工亦可以永停修做至估需銀兩仍在運河道屬歲搶項下通融動用毋需另請司庫錢糧除確核細數造冊送部外所有<sub>臣</sub>籌辦情形謹繕摺恭奏是否有當伏祈皇上聖鑒謹

奏乾隆三十一年二月二十四日奉

硃批好知道了欽此

新出我咲戲了急批

本館三十一平二八二十四日奉

